

شائول ایمان آوردن

۱ شائول هوطوی کی به تهدید و کوشتن خوداوند عیسی پیروان، ادامه دئی، کاهن اعظم ورجه بوشو ۲ و اون جا بخواسته نامه یانی فیگیره دمشق یهودیان کنیسه یان ره تا اگر کسی جه عیسی پیروان بیافه، جه زناکان و مرداگان، دسگیر بوکونه و باوره اورشلیم. ۳ شائول هنوز به دمشق فرسه بو کی ایدفعه یی نزدیکی اورشلیم شهر، نوری جه آسمان اون دور و بر روشن کوده ۴ و اون، زمین سر بکفته، صدایی بیشنوسته کی اون گفتن دبو: «شائول، شائول، چره مر آزار دهی؟» ۵ شائول جواب بده: «تو کیسی، سرورم؟» جواب بیشنوسته: «من هو عیسایم کی تو مر آزار رسانی. ۶ هسه، ویریز بوشو شهر میان، اویه تر گیدی کی چی وا بوکونی.» ۷ شائول همسفران ساکت ایسه بید. اوشان صدای ایشنوستیدی ولی هیکس نیده بیدی. ۸ شائول جه زمین سر ویریشته ولی وختی کی خو چومان واکوده،

هیچی نیدهیی. پس اون دس بیگفتیدی، ببردیدی دمشق. ۹ اون سه روز نتانستی بیدینه و آب و غذایم نوخوردی.

۱۰ دمشق میان اینفر زندگی کودی کی به عیسی مسیح ایمان داشتی کی اون نام حنایا بو. خوداوند، رویا میان اون آشکار بوسته و بوگفته: «ای حنایا!» اون واگردسته بوگفته: «بله خوداوندا.» ۱۱ خوداوند اون بوگفته: «ویریز بوشو او کوچه میانی کی (راست) نام دأره، یهودا خانه دورون، شائول تارسوسی ره وورس، کی مشغول دوعا کودن ایسه ۱۲ و خورویا میان ایتا مرداک بیده، حنایا نام، کی آیه اون سردس نهه تا اون چومان واز به.» ۱۳ حنایا جواب بده: «خوداوندا، جه خیلی یان بیشنوستم کی ا مرد تی ایمانداران اورشلیم میان آزار و شکنجه کودی ۱۴ و جه پيله کاهنان طرف اختیار دأره، و بمو آیه تا هر کی ی کی به تی نام ایمان دأره، دسگیر و زندانی بوکونه.» ۱۵ ولی خوداوند، حنایای بوگفته: «بوشو، ا مرد انتخاب بوکودم تا کی می نام غیریهودیان و اوشان پادشایان و بنی اسرائیل قوم اعلام بوکونه. ۱۶ من اون نشان دهم کی می نام وستی چی رنجی وا بکشه.»

۱۷ پس حَنانیا بوشو هو خانہ میان و خو دسان شائول سر بنہ و بوگفته: «برار جان، خوداوند، هو عیسیٰ یی کی وختی آمون دیبی شہر دمشق میانی راه میان تر آشکار بوسته، مر اوسہ کودہ کی دووارہ تی چومان واز بہ و تا روح القدس جا پور بی.» ۱۸ هو لحظہ ایچی فلس مأنستن جہ شائول چومان سر بکفته و اون دووارہ بیدہ و ویریشته تعمید بیگفته. ۱۹ او وخت غذا بوخوردہ و قوت پیدا کودہ.

شائول کی خو قلب بہ عیسیٰ مسیح بیسپردہ بو مردوم دمشق و اورشلیم بشارت دہہ

شائول چند روزی دمشق ایمانداران ورجہ بیسہ ۲۰ و فوری ہمہی کنیسہ یان دورون موعظہ کودی کی عیسیٰ، خودا پسر ایسہ. ۲۱ تومامی مردوم کی ایشنوستیدی تعجب کودیدی، گفتیدی: «مگر آن هو کسی نی یہ کی اورشلیم دورون هرکی بہ عیسیٰ نام ایمان آوردیدی، اوشان اذیت و آزار کودی؟ لا بود بمو آیه کی ایمانداران دسگیر بوکونہ و پیلہ کاهنان ورجہ برہ.» ۲۲ ولی قوت شائول گبان هر

روز ویشتر بوستی و توماّم یهودیان دمشقّره ثابت کودی کی عیسی،
هو مسیح موعود ایسه.

۲۳ خیلی روزان بوگذشته و یهودیان همدیگرّ امرأ نقشه بکشه ییدی
کی شائول بوکوشید. ۲۴ ولی شائول جّه اوشانّ نقشه واخبر بوسته.
یهودیان حتی شب و روز شهر دروازهیانّ جولو نگهبانی دیدی.
۲۵ بزین اونّ دوستان ایتا شب اونّ زبیلّ میان بنه ییدی و جّه دیواز
شهرّ جور روانه کودیدی بیجیر.

۲۶ وختی شائول فرسه اورشلیم، ایماندارانّ دونبال گردستی کی بشه
اوشانّ ورجه ولی همه اونّ جا ترسه ییدی، چونکی باور نوکودیدی
کی اونم ایمانداره. ۲۷ ولی برنابا اونّ اوسده ببرده رسولانّ ورجه،
بوگفته کی اون شوئون دوبو دمشق، خوداوند بیده و خوداوند اونّ
امرأ گب بزه و اونم دمشقّ میان شجاعتّ امرأ به عیسی نام موعظه
کودی. ۲۸ پس شائول اوشانّ ورجه بیسه و آزادانه اورشلیمّ میان
شوئون امون کودی و شهامتّ امرأ به خوداوند نام بشارت دیی. ۲۹ اون
یهودیانّ یونانی زبانّ امرأ کلّ گب زهی ولی اوشانّ، اونّ قتلّ ره نقشه

بکشه ییدی. ۳۰ وختی ایمانداران نقشه ی قتل بفهمستیدی، شائول
اوسدیدی ببردیدی قیصریه و جه اویه اون اوسه کودیدی کی بشه
شهر تارسوس.

۳۱ هطویی بو کی تومامی کلسایان سرتاسر یهودیه و جلیل و
سامره آرامش پیدا بوکودیدی و پا بیگفتیدی و همه تان ایمانداران،
خوداترسی امرأ زندگی کودیدی و روح القدس یاری امرأ اوشان نفرات
اضافه بوستیدی.